

中學組 亞軍 《鄰·家人》

正然 (獨白) :

由細到大 Daddy Mammy 都因為工作關係，好少會返屋企，所以我細細個已經學識要照顧自己。每次見到隔離鄰舍一家人好開心，有講有笑，我好明白自己其實只係一個人咁生活。

正然 (獨白) :

每日返學放學，我都自己一個離開學校。見到一個又一個同學俾佢哋屋企人接走，聽到佢哋同屋企人分享嗰日開心、傷心嘅經歷，呢一刻我會不斷諗，我嘅存在係咪就係一個住喺公屋嘅十歲小朋友。

正然 :

唔該，我想要包媽咪麵。

士多老闆娘 :

小朋友，做咩呀？返學唔開心？

正然 :

係呀.....

士多老闆娘 :

我請你食啦，你拎返學校食啦！俾心機上堂得㗎喇！

正然 :

吓？點得呀.....

士多老闆娘 :

唔緊要，我好多時都請小朋友食㗎！

正然 :

多謝囉。

士多老闆娘 :

俾心機上堂得㗎喇，放學開心啲喇！

正然：

唔該等埋！

陳太：

咦，細佬放學噃？

正然：

係呀。

陳太：

今日喺學校開唔開心呀？

正然：

OK 啦。

宋太：

陳師奶，我今日喺街市買橙，啲橙又平又香呀。咦，細佬，我請你食呀！

正然：

多謝，有心喇。

正然 (獨白)：

每晚食飯之前我都會落天橋，挨住欄杆，望住一架又一架遠離我嘅車，一架又一架離開巴士站嘅巴士。

念慈哥哥：

喺度等咗幾耐呀？

正然：

都等咗好耐喇。

念慈哥哥：

唉，俾你嘞。

正然：

咩嚟㗎？

念慈哥哥：

睇下咪知囉。

念慈哥哥：

唔明唔緊要㗎。遲啲大個咗，慢慢就會明㗎喇。

正然 (獨白)：

直到我已經係一個高中學生，屋企人都有經濟能力搬入私樓。只不過以前成日照顧我，喺我失落嘅時候關心我、幫助我嘅陳太、宋太、士多老闆娘、隔離單位嘅佳叔、住喺樓上成日同我玩嘅念慈哥哥，我而家再見唔到佢咁喇。

正然 (獨白)：

尤其係讀書嘅時候，呢種感覺可以話係無處不在。